

四庫全書

集部

欽定四庫全書

文苑英華卷二百七十

宋 李昉等 編

送行五

高適十一首

王昌齡八首

陶翰一首

劉昫虛二首

劉長卿二十首

朱頎七首

送柴司戶充劉鄉判官之嶺外

高 適

嶺外資雄鎮朝端寵節旄月卿臨幕府星使出詞曹海
對羊城闊山連象郡高風霜驅瘴癘忠信涉波濤別恨
隨流水交情脫寶刀有才無不適行矣莫徒勞

送馮判官

前人

碣石遼西地漁陽薊北天關山惟一道雨雪盡三邊才
子方為客將軍正愛渴集作賢遙知幕府下書記日翩翩

送張少府

前人

歸客留不住朝雲縱復橫馬頭向春草斗柄臨高城嗟

我久離別美君看弟兄歸心更難道回首益集作一傷情

淇上送韋司倉往滑臺

前人

飲酒莫辭醉醉多適不愁孰知非遠別終念對新集作窮

秋滑臺門外見淇水眼前流君去應回首風波滿渡頭

東平別前衛縣李案少府

前人

黃鳥翩翩楊柳垂春風送客使人悲怨別自驚千里外
論交却憶十年時雲開汶水孤帆遠路遠梁山及馬馳
此地從來可乘興留君不住亦淒其

送別

前人

昨夜離心正鬱陶三更白露西風高螢飛木落何淅瀝

此時夢見

集作忽頓

西歸客曙鍾寥亮三四聲東隣嘶馬使

人驚攬衣出戶一相送惟見歸雲縱復橫

送別王徹

前人

歸客自南楚悵然思北臨

一作林

蕭條秋風暮迴首江淮

深番君終日歡

集作番連愁作歡

或為梁甫吟時輩想鵬舉他

人嗟陸沉載酒登平臺贈君千里心浮雲暗長路落日

有歸禽離別未足悲辛勤當自任吾知十年後季子多黃金

送蕭十八與房侍御

前人

常苦

一作悲

古人遠今見斯人古澹泊遺聲華周旋必鄒

魯故交在梁宋遊方出庭戶匹馬鳴朔風一身濟河許
辛勤採蘭詠欵曲翰林主歲月催別離庭闈遠風土寥
寥寒燈靜莽莽夕雲苦明發不在茲青天眇難覩

餞宋八充彭中丞判官之嶺南

前人

親君濟時略使我氣填膺長策竟不用高才徒見稱一朝知已達累日詔書徵羽翮忽然動

集作就

風颭誰敢陵

舉鞭投嶺障屈指冒炎蒸北鴈送馳駟南人思飲冰彼邦本倔強習俗多驕矜翠羽千平法黃金繞直繩若將除害馬慎勿信蒼蠅魑魅寧無患忠貞適有憑猿啼山不斷鷲跼路難登海岸出交趾江城連始興繡衣當節制幕府盛威稜勿憚九疑險須令百越澄立談多感激

行李即嚴凝離別胡為者雲霄遲爾昇

贈別韋叅軍

前人

二十解

詩選
作辭

書劍西遊長安城舉頭望君門屈指取公

卿國風冲融邁三五朝廷懽樂彌寰宇白璧皆言賜近

臣布衣不得

集作
敢

干明主歸來洛陽無負郭東過梁宋

非吾土兔苑為農歲不登鴈池垂釣心常苦世人向我

同衆人惟君於我情

集作
最

相親且喜百年有交態未曾

集作
當

一日辭家貧彈琴擊筑白日晚縱酒高歌楊柳春

歡娛未盡分散去使我惆悵驚心神終當不作兒女悲

詩選臨岐涕淚

詩選

作泗霑衣巾

宋中贈別周梁李三子

前人

曾是不得意適來兼別離何如一樽酒翻作滿堂悲周子負高價梁生多逸詞周旋梁宋間感激建安時白雲

集作雪

正如此青天

一作雲

無自疑李侯懷清英骭髀乃天

資方寸且無間衣冠當在斯俱為千里遊忽

集作勿

念兩

鄉辭且見壯心在莫嗟携手期涼風吹白原落日照西

陂露下草初白天長雲屢滋我心不可問
集作得君去集作

兮定何之京洛多知己誰能憶左思

別劉誥

王昌齡

天地寒更雨蒼茫楚城陰一罇廣陵酒十載衡陽心倚
仗不可料悲歡豈易尋相逢成遠別後會何如今身在
江海上雲連京國深行當務功業策馬何駸駸

送任五之桂林

前人

楚客醉孤舟越水將引棹山為兩鄉別月帶千里貌羈

譴同矰綸僻幽聞虎豹桂林寒色在苦節知所效

送李濯遊江東

前人

清洛日夜漲微風引孤舟離傷便千里遠夢生江樓楚
國橙橘暗吳門煙雨愁東南具今古歸望山雲秋

送魏二

前人

醉別江樓橘柚香江風引雨入舟一作舡涼憶君遙在湘

江上一作山月愁送一作聽清猿夢裏長一作皆絕句詩選

送高三之桂林

前人

畱君夜飲對瀟湘從此孤舟客夢長嶺上梅花侵雪暗

歸時還拂桂花

一作香枝

送韋十四兵曹

前人

縣職如長纓終日檢我身平明趨郡府不得展故人故
人念江湖富貴如埃塵跡在戎府掾心遊天台春獨立
浦邊鶴白雲長相親南風忽至吳分散還入秦夜寒天

光白海淨

詩選作靜

月色真對坐論歲暮絃悲豈

詩選作歌起

無

因平生驅馳分非謂杯酒仁出處兩不合忠直何由申

看君泛舟去且欲歌垂綸

送喬林

前人

草綠小平津花開一水濱今君不得意辜負帝鄉春口

不言金帛心常任屈伸阮君唯

絕一作

飲酒陶令肯羞貧

陽羨風流地滄江避世人菱歌五湖遠桂樹八公隣青
鳥迎孤棹白雲隨一身潮從秣陵上月映石頭新未可
逃名利應須在縉紳汀洲芳杜色勸爾暫垂綸

送歐陽會稽之任兼呈陳處士

前人

懷祿貴心賞東流山水長官移會稽郡地邇上虞鄉綬

帶屏紛雜漁舟臨訟堂逶迤廻溪趣

一作曲

猿嘯飛鳥行

萬室霽朝雨千峰迎夕陽輝輝遠洲映暖暖澄湖

一作江

光髮白有高士青春騎

疑

上皇應須枉車歇

疑

為我訪

荷裳

送朱大出關

陶翰

楚客西上書十年不得意平生相知者晚節心各異長

揖五侯門拂衣謝中貴丈夫多離別各有四方事拔劍
因高歌蕭蕭北風至故人有斗酒是夜共君醉努力長
強一作加飡當年莫相棄

送韓平兼寄郭微

劉春虛

上客夜相過小童能沽酒即為臨水處正值歸鴈後前
路望鄉關近家見門柳春時未曾暮風景自應有余憶
東周人經年別未久殷勤為傳語日夕念攜手兼問前
寄書中間復達否

海上送薛文學

前人

日處歸且遠送君東悠悠滄溟千萬里
日夜一帆舟曠望絕國所做茫天際
愁有時近仙境不定若夢遊或見
青山石孤舟百處秋前心方杳眇
此路獨夷猶離別惜吾道陂澤敬
皇休春浮溪花遠思逐海水流日
暮驪歌後永懷空滄洲

送徐大夫赴廣州

劉長卿

上將壇場拜南荒

集作方

羽檄招遠人來百越元老事三

朝霧繞龍川暗山連象郡

集作嶺

遙路分江淼淼軍發馬

蕭蕭塞

集作畫

角知秋氣樓船逐暮潮當令輸貢職

集作賦

不使外夷驕

送齊郎中典括州

前人

星象移何處旌旄獨向東勸耕滄海畔聽訟白雲中樹

影

集作色

雙溪合猿聲萬嶺同石門空

康

樂在

集作任

幾里

往帆通

送李中丞之襄州

前人

流落征南將曾驅十萬師罷歸無舊業老去戀明時獨

立三朝識輕生一劍知茫茫江漢上日暮欲

集作復

何之

送李秘却赴南中

此公舉家先流竄嶺外兄弟數人俱沒南中

前人

却到番禺日應傷昔所依炎州百口住故國幾人歸路
識梅花在家看棣萼稀獨逢迴鴈去

一作衡陽

猶作舊行飛

送營田判官鄭侍御赴上都前人

上國三千里西遊

集作還

及歲芳故山經亂在春日送歸

長曉奏趨雙闕秋成報萬箱幸論開濟力已實海陵倉

送嚴侍御充東畿觀察判官 前人

海陵爭戰後君去問凋殘雲日臨南至風霜向北寒故

園經亂失古道

集作木

近鄉看誰訪江城客年年守一官

送蔡侍御赴上都

前人

遲遲立駟馬久客戀瀟湘明日誰同路新年獨到鄉

集到

作別孤煙向驛遠積雪去關長秦地看春色南枝不可忘

送梁侍御赴永州

前人

蕭條江雨暗客散短

集作野

亭空憂國天涯去思鄉歲暮

同到時猿未斷回處水應窮莫望零陵路千峰萬木中

送鄭說

集作晚之

歙州謁薛能郎中

集作侍郎

前人

漂泊來千里謳謠滿百城漢家尊太守魯國重諸生俗

變人難理江流

集作傳

水至清船經危石住

一作往

路入亂

山行老得滄洲趣春傷白首情嘗聞馬南郡門下有康

成

送裴使君赴荆南充行軍司馬

前人

盛府南門寄前程積水中月明臨下口山晚望巴東故

節辭江郡寒笳發渚宮漢川風景好遙羨繼集作羊公

送鄭十二

一作山人

還廬山

已見二百三十一卷

前人

送行軍張司馬罷使適越

時危身赴敵事往任浮沉末路三江去當時百戰心春

風吳苑綠古木剡山深千里滄波上孤舟不可尋

送馬秀才移家京洛赴舉 前人

自從為楚客不復掃荆扉劍共丹城在書隨白髮歸舊
遊經亂盡後進識君稀空把相如賦何人薦禮聞

送荀八過山陰訪舊

集作
舊任

兼寄剡中諸官

前人

訪舊山陰縣扁舟到海涯故林嗟滿歲春草憶佳期晚
景千峰亂晴江一鳥遲桂香留客處楓暗泊舟時舊石

曹娥篆空山禹帝

集作夏禹

祠剡溪多隱吏君為道長思

送耿拾遺歸上都

前人

若為天畔獨歸秦對水看山欲暮春窮海別離無限路
隔河征陣獨歸人長安萬里傳雙淚建德千峰寄一身
想到郵亭愁駐馬不堪西望見風塵

送嚴員外

集作吳中贈別嚴士元

前人

春風倚棹闔閭城殊國雲陰暗

或作水閣天寒陰

復晴細雨濕衣

看

一作人

不見閑花落地聽無聲日斜江上孤帆影草綠湖

江或作

南萬里情君去

一作東道

若逢相識問青袍今已悞儒生

此詩二百八十七卷重出今已削去注異同為一

作

送柳使君赴袁州

前人

宜陽出守新恩至京口因家始願違五柳閉門高士去

三苗按節遠人歸月明江路聞猿斷花暗山城見吏稀

惟有郡

一作舊

齋窻裏岫朝朝空對謝玄暉

送陸澧倉曹西上

集作

前人

長安此去欲何依
先達誰當薦陸機
日下鳳翔雙闕迥
雪中人過二陵稀
舟從故里難移棹
家在寒塘獨掩扉
臨水自傷居洛

集作流落

久贈君空有淚霑巾

送皇甫曾赴上都

前人

帝鄉何處是岐路
空垂泣楚客

集作思

愁暮多川長帶潮

急潮歸人不歸
獨向迴塘立

送人歸汴南

朱頎

梅花今正發
失路復何如
舊國雲

一作霞

山在新年風景

餘春曉漢陽夢日寄武陵書可惜明時老臨川莫羨魚

送劉主簿歸金壇

前人

與子十年舊其如離別何宦遊憐故國歸夢是滄波京
口青山遠金陵芳草多雲帆曉容裔江口畫清河縣郭
舟人飲津亭漁者歌茅山有仙洞美爾再經過

送顧朝陽還

前人

寂寞俱不偶裹糧空入秦宦途已可識歸卧包山春舊
風指飛鳥滄波愁旅人開樽洛水上怨別柳花新

送竇叅軍

前人

城南送歸客舉酒對林巒
喧鳥迎春囀風一作春衣度雨

寒桃花開翠幕柳色傍金鞍
公子何時至無令芳草闌

送魏萬之京

前人

朝聞遊子唱離歌昨夜微霜初渡河
鴻鴈不堪愁裏聽雲山況是客中過
關城樹色催寒近御苑砧聲向晚多
莫見長安行樂地空令歲月易蹉跎

贈別穆元令

前人

二職九載滿藏名三十年丹墀策頻獻白首官不遷明

主棄微士吏曹何忽賢空懷濟世業獨棹滄海船舉酒

洛川外送春滄

一作送君春

海邊彼鄉有令弟小邑試烹鮮

轉浦雲壑媚涉江花鳥連綠芳暗楚水白鳥飛吳煙贈

紆亦奚貴亂流期早旋金閨會通籍生事豈

一作亦

徒然

送張諲入蜀

前人

出門便為客憫然悲徒御四海惟一身茫茫欲何去經

山復歷水百恨將千慮劍閣送

一作空

梁州是君斷腸處

客心落日感君深
亭裏慕

一作孤雲傷客
心落日感君深

江畔蘼葭渚

天邊橘柚林
蜀江流不測
蜀路險難尋
木有相思號猿

多愁苦吟

一作音

莫向禺山隱
禺山地非近
故鄉可歸來

眼見芳菲盡

乾
坤
萬
物
皆
有
情
眼
見
芳
菲
盡

文苑英華卷二百七十

欽定四庫全書

集部

文苑英華卷二百七十三

詳校官太僕寺少卿臣李廷欽

助教臣常循覆勘

總校官進士臣朱鈐

校對官中書臣秦泉

謄錄監生臣閔學澄

欽定四庫全書

文苑英華卷三百七十一

宋 李昉等 編

送行六

崔曙一首

沈頌二首

熊曜一首

邱為一首

張謂八首

岑參十首

張仲甫一首

徐嶷一首

施咸一首

包何三首

李嘉祐二十首

張南史五首

錢起八首

賈至六首

鮑防一首

送薛據之宋州

崔曙

無媒嗟失路有道亦乖流
客處不堪別異鄉應共愁
我生早孤賤淪落居北州
風土至今憶山河皆昔遊
一從文章事兩京春復秋
君去問相識幾人成白頭

送金文學還日東

沈頌

君家東海東君去因秋風漫漫指鄉路悠悠如夢中烟
霧積孤島波濤連大空冒險當不懼皇恩措爾躬

送人還吳

前人

人心不忘鄉矧余客已久送君江南去秋醉洛陽酒贈
言幽徑蘭別思河堤柳征帆暮風急望望空延首

送楊諫議赴河西節度判官兼呈韓王兩侍郎

熊曜

賢哉征西將幕府多俊人籌議秉刀尺語言在經綸先

鞭羗之子走馬辭咸秦庭論許名實數公當即真行行
弄文翰婉婉光使臣今者所從誰不聞歌苦辛黃雲蕭
闕道白日驚沙塵虜寇有時獵漢兵行復一作仍夜巡王師
已無戰傳檄奉良臣

送閻校書之越

丘為

南入剡中路草雲應轉微湖邊好花照山口細泉飛此
地饒古跡世人多忘歸經年松雪在永日世情稀芸閣
應相望芳時不可違

送裴侍御還上都

張謂

楚地勞行役，秦城罷鼓鼙。
舟移洞庭岸，路出武陵溪。
江月隨人影，山花逐馬蹄。
離魂將別夢，先到闕西。

餞田尚書充州

前人

忠義三朝喜，威名四海聞。
更秉歸路詔，猶憶破胡勳。
別路逢霜雨，行營對雪雲。
明朝郭門外，長揖大將軍。

送韋侍御赴上都

前人

天朝辟書下，風憲取才難。
更謁麒麟殿，重簪獬豸冠。
月

明湘水夜霜重桂林寒別後頭堪白時時鏡裏看

送杜侍御赴上都

前人

避馬臺中貴登車嶺外遙還因貢賦禮來謁大明朝地
入商山路鄉連洛水橋承恩返南越罇酒重相邀

道林寺送莫侍御

前人

何處堪留客香林隔翠微薜蘿通驛騎松竹挂朝衣霜
引臺烏集風驚塔鴈飛飲茶勝飲酒聊以送君歸

別睢陽故人

前人

少小客遊梁依然似故鄉城池經戰陣人物恨存亡
夏雨桑條綠秋風麥穗黃有書無寄處相送一霓裳

送黃甫齡宰交河

前人

將軍帳下來從容小邑彈琴不易逢樓上胡笳傳別怨
樽中臘酒為誰濃行人醉出雙門道少婦愁看七里烽
今日相如輕武騎多應朝暮客臨邛

別韋郎中

前人

星軺計日赴岷峨雲樹連天阻笑歌南入洞庭隨鴈去

西過巫峽聽猿多崢嶸洲上飛黃葉灑瀕堆邊起白波
不醉郢中桑落酒教人無奈別離何

奉送李太保兼御史大夫充渭北節度使

即太尉光

弼之弟

岑參

詔出未央宮登壇近揔戎上公周太保副相漢司空弓

抱一作挽關西月旗翻渭北風弟兄皆許國天地荷成功

以下十篇並見集本

趙少尹南亭送鄭侍御歸東臺

前人

江

集作紅

亭酒瓮香白面繡衣郎砌冷蟲喧座簾疎雨到

床鍾催離興急絃逐

詩選作緩

醉歌長闌樹應先落隨君滿

路

集作髮

霜

送崔員外入奏因訪故園

前人

欲謁明光殿應趨建禮門仙郎去得意亞相正承恩竹
裡巴山道花間漢水源憑將兩行淚為訪邵平園

送韋侍御先歸京

前人

聞欵朝龍關應須拂豸冠風霜隨鴈去炎暑為君寒客
淚題書落鄉愁對酒寬先憑報親友後月到長安

送裴侍御赴歲赴京

前人

羨他驄馬郎元日謁明光立處聞天語朝回惹御香
寒栢樹綠江暖柳條黃惜別津亭暮揮戈憶魯陽

送陽子

前人

斗酒渭城邊壚頭耐醉眠梨花千樹雪柳

一作楊

葉萬條

煙惜別添壺醒臨岐贈馬鞭看君頽上去新月到家圓

送鄭少府赴滏陽

前人

子真河朔尉
邑里帶清漳
春草迎袍色
晴光拂綬香
青山入官舍
黃鳥出宮牆
若到銅臺上
應憐魏寢荒

送王大昌齡赴江寧

前人

對酒寂不語
悵然愁

一作悲

送君明時未得用
白首徒工

集作攻

文澤國從一官
滄波幾千里
羣公滿天關
獨去過

淮水舊家富
春渚常憶卧
江樓自聞君
欲行頻夢南
徐州窮巷獨
閉門寒燈靜
深屋北風吹
微雪抱被肯
同宿

君行到京口正是桃花時舟中饒孤興湖上多新詩潛
虬且深蟠黃鶴舉未晚惜君青雲器努力加食飯

送楊瑗

集作張子

尉南海

前人

不擇南州尉高堂有老親縣樓重蜃氣邑里雜鮫人海
暗三山雨江明五嶺春此方多寶玉慎莫厭清貧

送楊錄事充潼關判官

得江字

前人

夫子方寸裏秋天

集作秋清

澄霽江關西望第一郡內政無

雙狹室下珠箔連宵傾玉缸平明猶

一作使子仍

未醉斜日

一作
隱高集作
窗

送李司直使吳

張仲甫

使臣

間氣集作君

方擁傳王事遠辭家震澤逢殘雨新豐過

間氣集作遇

落花水萍千葉散風柳萬條斜何處有離恨春

江無限沙

有離恨又玄集作看離恨

送馬向入蜀

徐嶷

遊子出咸京巴山萬里城白雲連鳥道青壁遞猿聲雨
雪經泥坂煙花望錦城工文人共許應紀蜀中行

送大理正攝御史判涼州別駕

范咸

天子念西

一作邊

疆資君去不遑垂銀棘庭印持斧栢臺

網雪下天山白泉枯塞草黃佇聞河隴外還繼海沂康
送韋侍御奉使江嶺諸道催青苗錢

包何

遠近從王事南行處處經手持霜簡白心在夏苗青迴
鴈書應報愁猿客屢聽因君使絕域萬物盡來庭

送李侍君赴泉州

前人

傍海皆荒服分符重漢臣
雲山百越路市井十洲人
執玉來朝遠還珠入貢頻
連年不見雪到處即行春

送王文宰江陰

前人

郡北乘流去花間竟日行
海魚朝滿市江鳥夜喧城
止酒非關病援琴不在聲
應緣五斗米數日滯淵明

送王諫議充東都留守判官 李嘉祐

時稱謝康樂別事漢平津
衰柳寒關道高車左掖臣
背

河看北鴈到洛問東人憶昔遊金谷相看華髮新

以下二十篇並見集本

送王牧往吉州謁王使君叔 前人

細草綠汀洲王孫耐薄遊年華初冠帶文體舊弓裘野
渡花爭發春塘水亂流使君憐小阮應念倚門愁

送韋司直西行 前人
見二百二十八卷

送韋集作表員外宣慰勸農却赴洪州使院
見二百九

十七卷

前人

送張勸

集作觀

歸袁州

前人

羨爾湘東去煙花尚可親
綠芳深映馬遠岫遞迎人
饑
狖啼初日殘鷺惜暮春
遙憐謝典客一作客興佳句又應新

送王正字山寺讀書

前人

欲究先儒教還過支遁居
山堦閒聽法竹逕獨看書
向日荷新捲迎秋柳半疎
風流有佳句又集作不似帶煙鋤
送房明府罷長寧令湖州客舍

前人

君為萬里宰恩及五湖人未滿先求退歸閑不厭貧遠
峯晴更近殘柳雨還新要自趨丹陛明年幾樹親

送嚴二擢第東歸

前人

隸官就賓薦時輩詎爭先盛業推儒行高科獨少年迎
秋見衰葉餘照逐鳴蟬舊里三峯下開門古縣

一作道前

送冷朝陽及第東歸江寧

前人

高第由佳句諸生似者稀長安帶酒別建業候潮歸稚
子歡迎棹鄰人為掃扉含情過舊浦鷗鳥亦依依

晚春送吉校書歸楚州

曾為道士

前人

詩人饒楚思淮上及春歸舊浦菱花發

集作待

閑門柳絮

飛高名鄉曲重少事道流稀定向漁家醉殘陽卧釣磯

送李中丞揚判官

前人

射策名先著論兵氣自雄能全季布諾不道魯連功流
水蒹葭外諸山睥睨中別君秋日晚迴首夕陽空

送嚴維歸越州

前人

艱難只用武歸向淞江

集作河

東松雪千山暮林泉一水

通鄉心緣綠草野思看青楓春好

集作日

偏相憶裁書寄

剡中

送韋邕少府入鍾山

見一百七十一卷

前人

司勳王郎中宅送韋九郎中往濠州

前人

憐爾因同舍看書似外家出關逢落葉傍水見寒花送
遠添愁思將衰戀

集作念

歲華清淮倍相憶迴日莫令賒

送王端赴朝

前人

君承明主意日日上丹墀東閣論兵後南宮草奏期人
稀傍河處槐暗入闕時獨遣吳州客平陵結夢思

送杜侍御還廣陵

前人

慚君從弱歲

一作冠

顧我比諸昆同事元戎久俱承國士

恩隨鷺過淮水看柳向轅門草色金陵岸思心那可論

送上官侍御赴黔中

前人

莫向黔中路令人到欲迷水聲巫峽裏山色夜郎西樹

隔朝雲合袞窺曉日

集作月

啼南方饒翠羽知爾飲清溪

潤州陽別駕宅送蔣侍御收兵歸揚州

前人

沴氣清金虎兵威壯鐵冠揚旌川色暝

一作暗

吹角水風

寒人對輜輶醉花看

集作垂

睥睨殘羹歸丞相府

集作問一作問

空望舊門闌

前人

此詩二百三十五卷重出今已削去詳注在前

送元侍御還荆南幕府

前人

迢遞荊州路山多水又分霜林澹寒日胡鴈蔽南雲八
座由持節三湘亦置軍自當行直指應不為功勲

送宋

集作朱

中舍遊江東

前人

孤城郭外送王孫越水吳洲共爾論野寺山邊斜有逕
漁家行裏半開門青楓獨映搖前浦白鷺閑飛過遠村
若到西陵征戰處不看秋草自傷魂

一作銷

魂

送司空十四北遊宋州

張南史

九拒危城下蕭條送爾歸寒風吹盡角暮雪犯征衣道

里猶成間親朋重與違白雲愁欲斷看入大梁飛

送朱大遊塞

前人

歲暮一為別江湖聊自寬且無人事處誰為客行難郢
曲憐公子吳州憶伯鸞蒼蒼遠山際松柏獨宜寒

送鄭錄事赴太原

前人

歎息不相見紅顏今白頭重為西候別方起北風愁六
月胡天冷雙城汾水流盧諶即故吏還復向并州

送余贊善使還赴薛尚書幕 前人

音書不可論河塞雪紛紛鴈足期蘇武狐裘見薛君城
池通紫陌鞍馬入黃雲遠棹一作憶漳渠水平流幾處分

送李侍御入茅山採藥

前人

苦縣家風在茅山道錄傳聊聽驄馬使却就紫陽仙江
海生岐路雲霞入洞天莫令千歲鶴飛到草堂前

送王相公赴

集作歸

范陽

錢起

翊聖銜恩重頻年按節行安危皆報國文武不緣名受
賑仍調鼎為霖更洗兵幕開丞相閣旗摠貳師營料敵

知無戰安邊自有征代雲橫馬首燕鴈拂笳聲出鎮闔
河靜歸看日月明欲知瞻戀集作望切遲暮一書生

以下七篇並見集本

送劉相公江淮

集作東萬

催轉運事

此詩擅場

前人

國用資戎事臣勞為主憂將徵任土貢更發濟川舟擁
傳星還去過池鳳不留唯高飲冰節稍淺別家愁落葉
籬邊雨孤山海上秋遙知謝公興微月在江樓

送郎使君

集作補闕

東歸

前人

無事共干世多時廢隱淪相看戀簪組不覺老風塵勸
酒憐今別傷心倍去春徒言對萱草何處慰離人

送彈琴李長史赴洪州

前人

携集作抱

琴為傲吏孤棹復南行幾渡秋江水皆添白雪

聲佳期來客夢幽興緩王程佐牧無勞問心和政自平

送沈少府還江寧

前人

遠官碧雲外此行皆興牽湖山入閭井鷗鳥傍神仙斜

日背鄉樹春潮迎客船江樓新興

一作詠

發應與政聲傳

送楊著作往

集作歸

東海

前人

楊柳出關色東君千里期酒酣暫輕別路遠始相思欲

識離心盡斜陽

一作光

到海時

送張管記從軍

前人

邊事多勞役儒衣逐鼓鼙日寒關樹外峯盡塞雲西河
廣蓬難渡天遙鴈漸低班超封定遠之子去思齊

送嚴士良侍奉詹事南旋

前人

疏傳獨知止曾參善愛親江山侍行邁長幼出囂

一作風

塵握手想千古此心能幾人風光滿長路草色傍征輪

日夕望荆楚鶯鳴芳杜春汀煙日

集作漁烟月

下淺花鳥

集作

與水中新點翰時

集作遙

相憶含情寄

集作向

白蘋

送王貲外赴長沙

賈至

攜手登臨處巴陵天一隅春生雲夢澤水溢洞庭湖共
歎虞翻社同悲阮籍途長沙舊早濕今古不應殊

以下六篇並見集本

前人

送夏侯參軍赴廣州

前人

聞道衡陽外，由來鴈不飛。
送君從此去，書信定應稀。
雲海南溟遠，煙波北渚微。
勉哉孫楚吏，綵服正光輝。

長沙別李六侍御

前人

月明湘水白，霜落洞庭乾。
放逐長沙外，相逢路正難。
雲歸帝鄉遠，鴈報朔方寒。
此別迎襟淚，雍門不假彈。

送陸協律端州

前人

越井人南去，湘川水北流。
江邊數盃酒，海外一孤舟。
嶺

嶠同遷客京華即舊遊春心將別恨萬里共悠悠

送李侍御

前人

我年四十餘已歎前路短羈離洞庭上安得不引滿李
侯忘情者與我同疎懶孤帆泣瀟湘望遠心欲斷

送耿副使歸長沙

前人

畫舸欲南歸江亭且留宴日暮湖上雲蕭蕭若流霞昨
夜相知者明發不可見惆悵西北風高帆為誰扇

送薛補闕入朝

鮑防

平原門下十餘人獨受恩多未殺身每歎陸家兄弟少
更憐楊氏子孫貧柴門豈斷施行馬魯酒那堪醉近臣
賴有軍中一作將軍遺令在猶將談笑靜風塵

文苑英華卷二百七十一

欽定四庫全書

文苑英華卷二百七十二 宋 李昉等 編

送行七

皇甫魯四首

張繼五首

韓翃十五首

郎士元十七首

皇甫冉十三首

韋應物八首

送杜中丞還京

皇甫魯

罷戰迴龍節朝天見鳳池寒生五湖道春及萬年枝名

化多遺愛胡清已畏知懷恩偏

間氣集作多

感別墮淚向旌

麾

以下四篇並見集本

送李中丞歸本道

前人

上將宜分閫

一作還專席

雙旌復去秦關河三晉路賓從五

原人碣石山通海瀉池

集作洧池

雪度春

二句一作孤戍雲連海沙洲雪度春

酬恩看玉劒何處有煙塵

此詩二百九十七卷重出今已削去注異同為一

作

送元侍御充使湖南

前人

雲夢南行盡三湘萬里流山川重分首徒御亦悲秋
白簡勞王事清猿助客愁離羣復多病歲晚憶滄洲

送韓司直

前人

遊吳還適越來往任風波復送王孫去其如芳草何
岸明殘雪在潮滿夕陽多季子留遺廟停舟試一過

送鄒判官往陳留

張繼

齊宋傷心地

一作分巡地

頻年此用兵女倖裏邑杼農廢汶

陽耕國使

一作使者

乘輅去諸侯

一作藩

擁節迎深仁荷

一作佩或

作闕賴

子薄賦恤黎甿火燎原猶熱波

一作風

搖海未平應

將否泰理一問魯諸生

送竇十九判官使江南

前人

遊宦淹星紀裁詩鍊土風今看乘傳去那與問津同南

郡迎

一作過

徐子臨川謁謝公思歸一惆悵于越古亭中

江上送客遊廬山

前人

楚客自相送霑裳春水邊
晚來風信好併發上江船
花映新林岸雲開瀑布泉
愜心應在此佳句向誰傳

奉送王相公赴幽州

前人

黃閣開幃幄丹墀拜

一作傳

冕旒位高湯左相權總漢諸

侯不改周南化仍分趙北憂
雙旌過易水千騎入幽州

塞草連天暮邊風動地愁
無因隨

一作陪

遠道結束佩吳

鉤

一作皆中興間氣集

送張中丞歸使幕

前人

獨愛主人歸當朝似者稀
玉壺分御酒金殿賜春衣
拂席流鶯醉鳴鞭駿馬肥
滿臺簪白筆捧手戀清輝

送李侍御赴徐州行營

韓翃

少年無柱史東至舊徐州
遠屬平津閣前驅博望侯
向營淮月滿吹角楚天秋
客夢依依處雲山對白樓

送崔遇歸淄青幕府

前人

平陵車馬客海上見旌旗
舊驛千山下殘花一路時
春

衣過水冷暮雨出關遲莫道青州客迢迢在夢思

送監軍李判官

前人

上客佩吳

集作雙

鉤東城喜再遊舊從張博望新事鄭長

秋蹋水過

集作迴

金勒邊

一作看

風試錦裘知君不久住漢

將掃旄頭

送元詵還江東

一作送太常元博士歸潤州

前人

過

一作渡

江秋色在詩興與歸心客路隨

一作緣

楓岸家人

掃橘林潮聲當晝起山翠近南深

集作沈

幾日華陽洞寒

花引獨

一作尋
獨自

送贊府郭歸淮南

前人

駿馬淮南客歸時引望新江聲六合暮楚色萬家春
白紵歌西曲黃苞寄北人不知心賞後早晚見行塵

送孫秀才歸江東

前人

過淮芳草歇千里又東歸野水吳山出家林越鳥飛
荷香隨去棹梅雨點行衣無數滄江客如君達者稀

送故人歸魯

前人

魯作多歸興
故人含別情
雨餘衫袖冷
風急馬蹄輕
秋草靈光殿
寒雲曲阜城
知君拜親後
少婦下機迎

故人含

又玄集作
居人愴是

此詩二百八十四卷重出今已削去

送李中丞赴商州

前人

五馬渭橋東
連嘶背曉風
當年紫髯將
他日黑頭公
不異金吾寵
兼齊玉將雄
開營春雪下
吹曲暮山空
香麝

松陰裏寒猿黛色中郡齋多賞事好與故人同

送管城李少府

前人

懷祿無就養更憐趨府心晴山東里近春水北門深新
綬映芳草舊家看遠林還乘鄭小駟躑躅縣城陰

送客還江東

前人

還家不落春風後數日應沾越人酒池畔花深聞鴨欄
橋邊雨洗藏鴉柳遙憐內舍著新衣復喜鄰家醉落暉
把手閑歌香橘下空山一望鷓鴣飛

送冷朝陽還上元

前人

青絲絳

音昨索也

引木蘭船名遂身歸拜慶年落日澄江鳥

榜外秋風踈柳白門前橋通小市家林近山帶平湖野
寺連別後依依寒夢裏共君攜手在東田

送高別駕歸汴州

前人

信陵門下識君偏駿馬輕裘正少年春雨送歸千里外
東風留醉百花前身隨玉帳心應愜官佐銅符勢又全
久客未知何計是參差去借汶陽田

送王光輔歸青州兼寄朱侍御

前人

幾通

集作回
又作封

奏事建章宮聖主偏知漢將功身著賜衣

趨關下口銜天詔出闕東蟬聲驛路秋山裡草色河橋
落照中遠憶故人滄海別當年好耀五花驄

送康洗馬歸滑州

前人

腰佩雕弓漢射聲東歸銜命見雙旌青絲玉勒康侯馬
孟集作
白水金堤滑伯城臘雪夜看宜縱飲寒蕪晝獵不

妨行懷君又隔千山外別後春風百草生

送客之江寧

見三百四十一卷

送裴補闕入河南

集作東

幕

郎士元

皎然青瑣客何事動行軒苦節酬知己清吟去掖垣秋

城臨海樹寒月

一作日

上營門鄒魯詩書地應無鼙鼓喧

送彭偃房由赴朝因寄錢大郎中李十七舍人

前人

衰病已經年西峯望楚天風光欺鬢髮秋色換山川寂

冥浮雲外支離漢水邊平生故人遠君去話潸然

送奚賈歸吳

前人

東南富春渚曾是謝公遊今日奚生去新安江正秋

間氣

集作流

水容清過客霜

集作楓

葉泮行舟想對蘭

集作想青

亭下

聞猿應自愁

送長沙韋明府之任

前人

秋入長沙縣蕭條旅宦心烟波連桂水官舍映楓林雲

日楚天

集作山

暮沙汀白露深遙知訟庭

集作堂

裏佳政在

鳴琴

送洪州李別駕之官

前人

南去秋江遠孤舟興自多
能將流水引更入洞庭波
夏口帆初上潯陽鴈正過
知音在霄漢佐郡豈蹉跎

送孫顧

前人

悠然富春客憶與暮潮歸
擢第人多羨如君獨步稀
亂流江渡淺遠色海山微
若訪新安路嚴陵有釣磯

送張南史

已見二百五十三卷

前人

送李遂之越

前人

未習風波事初為東越遊
露霑湖草曉月照海山秋
梅市門何處蘭亭水尚流
西陵待潮信落日滿孤舟

送鄭正則徐州行營

前人

從軍非隴頭帥在古徐州
氣勁三河卒功全萬戶侯
元戎閫外畧才子幄中籌
莫聽關山曲還生塞上愁

送韋湛判官

前人

高閣晴江上重陽古戍閑
聊因送歸客更此望鄉關
惜

別心能醉經秋鬢自斑臨流興不盡惆悵水雲間

送錢拾遺歸兼寄劉校書

前人

墟落歲陰暮桑榆烟景昏蟬聲靜空館雨色隔秋原歸
客不可望悠然林外村

一作藍上

終當報芸閣攜手醉柴門

送郴縣裴明府之任兼充宣慰

前人

白蘋楚水三湘遠芳草春城二月初連雁北飛看欲盡
孤舟南去意何如渡江野老思求瘼候館郴人憶下車

別後天涯何所寄故交唯有袖中書

送李教湖南書記

前人

憐君才與阮家同掌記能資亞相雄入楚豈忘看淚竹
泊舟應自愛江楓誠知客夢烟波裏肯厭猿鳴夜雨中
莫信衡陽書不到年年秋鴈過巴東

送麴司直

前人

曙色滄滄兼曙雲朔風烟鴈不堪聞貧交此別無他贈
唯有青山遠送君

送別

前人

穆陵關上秋雲起
安陸城邊遠行子
薄暮寒蟬三兩聲
迴頭故鄉千萬里

送陸員外赴漳州

前人

含香臺上栢

集作客

剖竹海邊州驛使

集作楚驛

多歸信閩溪

足亂流今朝永嘉路
重見謝公遊

闕侯祠送高員外還荆南

集作州

前人

將軍稟天資義勇貫

一作冠

今昔走馬百戰場一劒萬人

敵誰為感恩義

一作者

竟作

一作是

思歸客流落荆巫

一作峽

間徘徊故鄉隔離筵對祠宇灑酒暮天碧去去勿復言

銜悲向陳

一作塵

跡

送王相公之

一作赴

幽州

皇甫冉

自昔蕭曹任難兼衛霍功勤勞無遠近旌節屢西東不

選三河卒還令萬里通鴈行緣古塞馬鬣起長風

一作御閑

分善馬武庫出彤弓

遮虜關山靜防秋鼓角雄徒思一攀送羸老

集作
病

華門中

獨孤中丞宅筵陪餞韋使君赴昇州

前人

中司龍節貴上客虎符新地控吳襟帶才光

間氣集
作高

漢

縉紳泛舟應度臘入境便行春何處歌來暮長江建業人

送李錄事

一作裴
員外

赴饒州

北人南去雪紛紛鴈叫河洲不可聞積水長天隨遠客

孤舟

一作荒林
又作荒城

極浦足寒雲山從建業千峯遠

一作起

江

到潯陽九派分借問督郵纔弱冠府中年少不如君

送裴員外赴江南

一作西

前人

分務江南遠留歡幕下榮楓林紫

間氣集作違
集本作緣

楚塞水

驛到湓城岸草知春晚沙禽好夜驚風帆幾日到

間氣
集作

泊度處處暮潮平

送元晟還於潛山所居

已見二百
七十一卷

前人

送竇十九赴京

冰結楊柳津從吳去入秦徒云還上國誰為作中人驛
樹同霜霰漁舟伴苦辛相如求一謁詞賦遠隨身

宿嚴維宅送包七

前人

江湖同避地分手自依依盡室今為客經秋空念歸歲
儲無別墅寒服羨鄰機草色村橋晚蟬聲江樹稀夜涼
宜共醉時難惜相違何事隨陽侶汀洲忽背飛

歸陽羨兼送劉八長卿

前人

湖上孤帆別江南謫宦歸前程愁更遠臨水淚霑衣雲
夢春山遍瀟湘過客稀武陵招我隱歲晚向柴扉

送韋判官赴閩中

前人

孤棹閩中客雙旌海上軍路人從北少嶺水向南分野
鶴驚一作傷秋別林猿忌夜聞漢家宗亞相知汝遠邀勳

送權驛

前人

淮海風濤起江關憂思長同悲鵲遶樹猶作鴈隨陽山
曉雲和雪汀寒月照霜由來濯纓處漁父愛滄浪

送顧中史

中字詩
遜作長

往新安

前人

由來山水客復道向新安半是乘潮便全非行路難晨

裝

一作秋

林月在夜飲渚沙寒

詩遜作野
飲浦沙寒

嚴子千年後誰

人釣舊灘

送王司直

前人

西塞雲山遠東風道路長人心勝潮水相送過潯陽

送錢塘路少府赴制舉

前人

公車待詔詣

一作赴

長安客裏新正阻舊歡遲日未能銷

野雪晴花偏自犯江寒東溟道路通秦塞北闕威儀觀

漢官時許却詵能對策恩榮請向一枝看

一作皆詩選

送崔叔清遊越

韋應物

忘茲適越意愛我郡齋幽野情豈好謁詩興一相留

集作

遠

楚水帶寒樹閭門望去舟方伯憐文士無為成滯遊

送崔肅懿

前人

秋風

集作氣

入疎戶離人起晨朝山郡多風雨西樓更蕭

條嗟子淮海老送子關河遙同來不同去沈憂能復銷

重送邱二十二還臨平山居前人

歲中欣

集作始

再覩方來又解携纔留野艇語已憶故山

棲幽澗人夜汲深林鳥長啼還持郡齋酒慰子霜露悽

送豆廬策秀才

前人

歲交冰未泮地卑海氣昏子有京師遊始發吳閭門新
黃含遠林微綠生陳根詩人感時節行道當憂煩古來
濩落者俱不事田園文如金石韻豈乏知音言方辭郡
齋榻為酌離亭樽無為倦羈旅一去高飛翻

送雷監赴闕庭

前人

才大無不備出入為時須雄藩旌理行祕府擢文儒詔
書忽已至焉得久踟蹰方舟赴朝謁觀者盈路衢廣筵
列衆賓送爵無停迂攀餞誠愴恨賀榮且歡娛長陪柏
梁宴日向丹墀趨時方重右職蹉跎獨海隅

送李侍御益赴幽州幕

前人

二十揮篇翰三十窮典墳辟書五府至名為四海聞始
從車騎幕今赴嫖姚軍契濶晚相遇卒躋集作感離羣

悠悠行子遠眇眇川途分登高望燕代日夕生夏雲司
徒擁精甲誓將除國氛儒生幸持斧可以佐功勲無言
羽書急坐闕相思文

餞雍聿之潞州謁李中丞 前人

鬱鬱兩相遇出門草青青酒酣拔劍舞慷慨送子一作君

行驅馬涉大河日暮懷洛京前登大行路志士亦未平
薄遊五府都高步振英聲主人才且賢重士百金輕絲
竹促飛觴夜宴達晨星娛樂易淹暮諒在執高情

送邱員外丹還山

前人

長棲白雲表暫訪高齋宿還辭郡邑喧歸泛松江渌結
茅一作臨隱蒼嶺伐新響深谷同是山中人不知往來躅

靈芝非庭草遼鶴委池鷺終當署里門一表高陽族

文苑英華卷二百七十二

欽定四庫全書

文苑英華卷二百七十三 宋 李昉等 編

送行八

嚴維五首

盧綸二十三首

戴叔倫十三首

張萬頃一首

魏兼恕一首

周瑀一首

權德輿十一首

戎昱五首

送薛尚書入朝

嚴維

卑情不敢論拜首

一作手

立轅門列郡諸侯長登朝八座

尊凝笳臨水發行旆向風翻幾許遺黎泣同懷父母恩

送李秘書往儋州

前人

魑魅曾為伍蓬萊近拜郎臣心瞻北闕家事在南荒沙
草山城小毛洲海驛長元成知必大寧是泛滄浪

送人入金華

前人

明月雙溪水清

一作春

風八詠樓昔

詩選作少

年為客處今日

送君遊

送崔峒使往睦州寄薛司戶 前人

如今相府用

一作重

英髦獨往南州肯告勞水木近開漁

浦出雪雲初卷定山高木奴花發

一作映

桐廬縣青雀舟

隨白鷺濤使者應須訪廉吏府中惟有范功曹

送房元直赴北京

前人

猶道樓蘭十萬師書生足馬去何之臨歧未斷還家日
望月空吟出塞詩常欲激昂論上策不應憔悴老明時
遙知到日逢寒食彩筆長裾會晉祠

送鮑中丞赴太原

盧綸

分路引鳴騶喧喧似隴頭暫移西掖望全解北門憂專

幕臨都護親

一作分

曹制督郵積冰營不下盛雪獵方休

白草連胡帳黃雲擁戍樓今朝送旌旆一減魯儒羞

送夔州班使君

前人

曉日照樓船三軍拜峽前白雲隨浪散青壁與城連萬
嶺岷峨雪千家橘柚川還如赴河內天子許經年

送信州姚使君

前人

朱幡徐轉擁羣官，猿鳥無聲郡宇寬。
楚國上腴收賦重，漢家良牧得人難。
銅鉛滿穴山能富，鴻鴈連羣地亦寒。
幾日政聲聞集作聞外戶，九江行旅得相歡。

送郎士元使君赴郢州

前人

賜衣兼授節，行日郢中聞。
花發登山廟，天晴集作清閣水

軍。漁商三楚接，郡邑九江分。
高興應難遂，元戎有大勲。

送陝府王法司

前人

東門雪復一作覆

塵出

送陝城人粉郭朝喧市，朱橋夜掩

津上寮應重學小吏已甘貧謝朓曾為掾希君一比鄰

送萬巨

六言

前人

把酒留君聽琴難堪歲暮離心霜葉無風自落秋雲不

雨空陰人愁荒落

集作村

路遠

集作細

馬怯寒溪水深望斷

集作盡

青山獨立更知何處相尋

送李校書赴京川幕

前人

泥坂望青城浮雲與棧平字形知國號眉勢識山名編
簡塵封國戈鋌雪照營男兒須聘用莫信筆堪耕

送王錄事赴任蘇州

前人

古堤迎驛路萬室一帆前
潮作澆田雨雲成煮海煙
吏閑惟重法俗泰不憂邊
西掖今宵詠還應寄阿連

送菊潭王明府

前人

組綬掩衰顏輝光里閑

集作第

間晚涼

一作涼宵

經灞水清晝

入商山行境逢花發彈琴見鶴還
惟應理農後鄉老賀君閑

送宛邱任少府

前人

帶綬別鄉親東為千里人俗訛唯競祭地古不留春野
戍雲藏火軍城樹擁塵少年何所重才子又清貧

送顏推官遊銀夏謁韓大夫 前人

叢盃呌寒笛滿眼

一作銀滿

塞山青才子罇前畫將軍石上

銘獵聲雲外響戰血雨中腥苦樂從來事因君一涕零

送朝邑縣張少府

少府善琴

前人

千室暮山西浮煙與樹齊剖辭花落紙擁史雪成泥野
火蘆千頃河田水萬畦不知琴月夜誰得聽烏啼

送宋校書赴宣州幕

前人

南想宣城郡江清野戍閑
艤高映浦睥睨晚曲隨山
名寄圖書內威生將吏間
行春板橋幕應伴庾公還

送元昱尉義興

前人

欲成雲海別一夜夢天涯
白浪緣江雨青山繞縣花
風標當劇部冠帶稱儒家
去矣謝親愛知余髮已華

送永陽崔明府

前人

鶴唳蒹葭曉

一作岸

中流見楚城浪清風乍息
山白月猶

明廢路開荒木歸人種古營懸聞正訛俗邴曼最知名

送李端

闕

路出

又玄集
作路入

相問

又玄集
作相見

前人

故關衰草遍離別自

一作

堪悲路出寒雲外人歸暮雪

時少孤為客早多難識君遲掩泣空相問風塵何所

一作

處期

送寧國夏侯丞

前人

楚國青蕪上秋雲似白波五湖長路少九派斷山多謝

守通詩宴陶公許醉過憮然餞離阻年髯兩蹉跎

送袁侔

前人

諫獵名空久多因病與貧買書行幾市帶雪別何人客
路山連水軍州日映塵淒涼一分手懼怕老相親

送何召下第後歸蜀

前人

褒斜行客過棧道響危空路濕雲初上山暄日正中水
程通海貨地利雜吳風一別金門遠何人復薦雄

送崔琦赴宣州幕

前人

五馬臨流待幕賓
羨君談笑出風塵
身閑就養寧辭遠
世難移家不厭貧
天際曉山三峽路
津頭臘市九江人
何處遙知最惆悵
滿湖青草鴈聲春

送楊暉東歸

前人

登樓掩泣話歸期
楚樹荆雲發遠思
日裏揚帆聞戍鼓
舟中酌酒見山祠
西江風浪何時盡
北客音書欲寄誰
若說湓城魯司馬
知君望國有新詩

送史兵曹判官赴樓煩

前人

渥洼龍種散雲時
千里繁華作合離
中有重臣承霈澤
外無輕虜犯旌旗
山川自與郊垌合
帳幕時因水草移
敢謝親賢得瓊玉
仲宣能賦亦能詩

送吉中孚校書歸楚州舊山

中孚自仙
官入仕

前人

青袍芸閣郎談笑
捐侯王舊錄藏雲穴
新詩滿帝鄉名
高閑不得到處人
爭識誰知冰雪顏
已雜風塵色此去
復如何東臯岐路
多藉茅臨紫陌回
首憶一作望滄波年

來倦蕭索但說淮南樂並檣湖上遊連檣月中泊沿流
入閭門千燈夜市喧喜逢隣舍伴遙語問鄉園下淮風
自急樹杪分郊邑送客隨岸行離人出帆立漁村遠水
田澹浦隅晴烟欲就林中醉先期石上眠林昏天未曙
但向雲邊去暗入無路山心知有花處登高日轉明下
望見春城洞裏草空長塚邊人自耕寥寥行異境過盡
千峯影雲色凝古壇泉聲落寒井仙成不可期多別自
堪悲為問桃源客何人見亂時

京口送皇甫司馬副端魯舒州辭滿歸去東都

戴叔倫

潮水忽復過雲帆儼欲

詩選作若

飛故園雙闕下左官十年

歸晚景照華髮涼風吹繡

詩選作別

衣淹留更一醉老去莫

相違

送李審之桂州謁中丞叔

前人

知音不可遇才過向天涯遠水下山急孤舟上路賒亂

雲收暮雨雜樹落疎

集作秋

花到日應文會風流勝阮家

送王翁信及第後歸江東舊隱

前人

南行無俗侶秋鴈與寒

集作閑

雲野趣自多

本集作心自方干集作自

心

愜名香日摠聞

本集作名香人共聞方干集作鄉名人共聞

吳山中路斷

浙水半江分此地登臨慣含情一送君

送李明府之任

前人

身為百里長家寵五諸侯含笑聽猿狖搖鞭望斗牛梅
花堪比雪芳草不知秋別後南風起相思夢嶺頭

送郭大祝中孚歸江東

鄉人去欲盡北鴈又南飛京洛風塵久江湖

集作淮

音信

稀舊山知獨往一醉莫相違未得辭羈旅無勞問是非

送車叅軍江陵

一作送常叅軍

前人

槐花落盡柳陰清蕭索涼天楚客情海上舊山無的信

東門

一作汴東

歸路不堪行身隨幻境勞

一作無

多事跡學禪

心厭有名公子道存知不棄欲依劉表住南荆

清明日送友

集作鄧芮

還鄉

前人

鐘鼓喧離日

集作室

車徒促夜裝曉厨新變

集作出

火輕柳

暗翻

集作飛

霜傳

方干集作轉

鏡看華髮持

方干集作傳

孟話故鄉

每嫌兒女淚今日自沾裳

送謝夷甫宰餘姚縣

前人

君去方為宰干

一作兵

戈尚未銷邑中殘老少亂後少官

僚解宇經兵

一作烽

火公田沒海潮到時應

一作因

變俗新

政

一作譽

滿餘姚

送柳道時余北還

前人

征役各異路

詩選作行役各遠路

煙波同旅愁輕橈上桂水大艣

下揚州何處成後會今朝分舊遊離心比楊柳蕭颯不

勝秋

送萬戶曹之任揚州便歸舊隱

前人

擬歸雲壑去聊寄宦名中俸祿資生事文章實

集作詩篇記

國風聽潮回

集作翻

楚浪看月照隋宮倘有登樓望

集作夜

還應伴庾公

送李長史縱之任常州

前人

不與名利隔且為江漢遊吳山本佳麗謝客舊淹留狹

道

集作路

通陵口貧家住蔣州思歸復怨別寥落詎關秋

南賓送蔡侍御遊蜀

前人

巴江秋欲盡遠別更淒然月照高唐

一作堂

峽人隨賈客

船積雲藏

集作橫

嶮路流水促

集作送

行年不料相逢日空

悲罇酒前

送崔拾遺峒江淮

集作東

訪圖書

前人

九門思

集作九重辭

諫議萬里採風謠關外逢秋月天涯過

晚潮鴈來

集作飛

雲杳杳水落浦蕭蕭空怨他鄉別迴舟

暮寂寥

送裴少府

張萬頃

夕膳望東周晨裝不少留酒中同樂事關外起離憂座
濕秦山雨庭寒渭水秋何當鷹隼擊來拂故林遊

送張兵曹赴營田

魏兼恕

河曲今無戰王師每務農邈才當重委足食乃深功草

色孤城外雲陰絕漢中

疑作漢

蕭關休

一作雖

歎別歸望在

乘驄

送潘三入京

周瑀

故人嗟此別相送出烟垆柳色分官路荷香入水亭離
歌未盡曲酌酒共忘形把手河橋上孤山日暮青

送裴秀才貢

一作赴舉

權德輿

儒衣風貌清去抵漢公卿賓貢年猶少篇章藝已成臨

流惜暮景話別憶鄉情離酌不辭醉西江春草生

送謝孝廉移家越州

前人

家承晉太傅身慕魯諸生又見一帆去共愁千里程沙

平煙

集作古

樹迥潮滿曉江晴從此幽深去無妨隱姓名

送郭秀才貢舉

前人

西笑意如何方

集作知

隨貢士

集作舉

科吟詩向月露驅馬

出烟蘿晚色寒

集作平

蕪遠秋聲候鴈多自憐歸未得相

送一勞歌

送張周二秀才謁宣州薛侍郎

前人

儒衣兩少年春棹穀溪船湖月供詩興烟嵐費酒錢上
帆投極浦歌枕傲晴天不用愁羈旅宣城太守賢

送李城門罷官歸嵩陽

城門院在
遺補院東

前人

與君相識處吏隱在牆東啟閉千門靜逢迎兩掖通罷
官多暇日肄業有儒風歸去塵寰外春山蘭桂藂

送上虞丞

前人

越部

集作郡

佳山水清江接上虞計程帆一葦試吏佐雙

鳬雲壑歸

集作窺

仙籍風謠驗地圖因尋黃絹字為我弔

曹盱

送孔江州

前人

九派潯陽郡分明似畫圖秋光連瀑布晴翠辨香爐才
子厭蘭省邦君榮竹符江城多暇日能寄八行無

送商州杜中丞赴任

前人

安康地里接商於帝命專城摠賦輿夕拜忽辭青瑣闥
晨裝獨捧紫泥書深山古驛分騶騎芳草閑雲逐隼旗
綺皓清風千古在因君一為謝巖居

送韋行軍員外赴河陽

前人

五年武弁侍明光輟佐中權拜外郎記事還同楚倚相
傳經遠自漢扶陽離堂處處羅簪組東望河橋壯輦鼓
三城曉角啟轅門一縣繁花照蓮府上畧儒風並耆稀
翻翻集作翻騶騎有光輝只今有職多虛位應待他時杖

節歸

送崔諭德致仕東歸

前人

天子坐法宮詔書下江東懿此嘉邈士蒲車起邱中褐衣入承明朴畧多古風直道侍太子昌言沃宸聰巖居四十年心與鷗鳥同一朝受恩澤自說如池龍乞骸歸故土累疏明深衷大君不奪志命錫忽以崇旭日出東

集作國

門輕裝若秋蓬家依白雲嶠手植丹桂叢竹齊引

寒泉霞月相玲瓏曠然解赤韞

集作綬

去逐冥冥鴻

送信安劉少府

自常州叅軍
遊授

前人

相看一離念盡此杯中
酥夷代輕遠遊上才隨薄祿
叅卿滯孫楚隱市同梅福
吏散時泛絃賓來閑覆局
襟情無俗慮談笑成逸躅
此路灘聲急羨君多水宿

送新州鄭使君

戎昱

誰人不譴謫君去獨堪傷
長子家無第慈親老在堂
驚魂隨驛吏冒暑向炎方
未到猿啼處參差已斷腸

送嚴十五之長安

前人

送客身為客思家愴到家暫收雙眼淚遙想五陵花路
遠征車迫山廻劒閣斜長安君到日春色未應賒

送張秀才之長沙

前人

君向長沙去長沙僕舊諳雖云桂嶺北終是洞庭南山
靄生朝雨江烟乍夕嵐松醪能醉客慎勿滯湘潭

成都送嚴十五之江東

前人

江東萬里外別後幾悽悽峽路花應發津亭柳正齊酒
傾遲日暮川濶遠天低心繫征帆上隨君到剡溪

送李參軍

前人

好住好住王司戶珍重珍重李參軍一東一西如別鶴
一南一北似浮雲月照疎林千片影風吹寒水萬里紋
別易會難今古事非是余今獨與君



文苑英華卷二百七十三